

. 31 . հոկտեմբեր 2018թ.

N 440/4

1. Վարչական իրավախախտման վերաբերյալ գործի նկարագրությունը, վարչական ակտն քննունելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ա. Միմոնյանի կողմից 29.08.2018 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 48-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Վարդան Հակոբի Կարապետյանի կողմից Կուրդինյան փողոցի հ.12/4 հասցեին կից առանց հողօգտագործման իրավունքի պետական գրանցման, օգտագործվում է մոտ 276 քմ. մակերեսով համայնքային սեփականություն հանդիսացող հողամասը /որում առկա է քարե շինություն/, ուստի քաղաքացի Վարդան Հակոբի Կարապետյանին առաջարկվել է 5-օրյա ժամկետում ազատել այդ տարածքն ապօրինի տիրապետումից, սակայն առաջարկվող ժամկետում վերջինիս կողմից այդ ուղղությամբ որևէ քայլ չի ձեռնարկվել, որի վերաբերյալ 11.09.2018 թվականին կազմվել է վարչական իրավախախտման վերաբերյալ թիվ 028666 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Վարդան Հակոբի Կարապետյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Վարդան Հակոբի Կարապետյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրեր չեն հանձնվել՝ քաղաքացի Վարդան Հակոբի Կարապետյանին չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Բրավական ակտերի մասին» ՀՀ օրենքի 5-րդ հոդվածի 6-րդ մասի 2-րդ կետով, 71-րդ հոդվածի 1-ին մասի 5-րդ կետով, 76-րդ հոդվածի 2-րդ մասով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 17.10.2018 թվականի հ. Վ-38/14 որոշմամբ քաղաքացի Վարդան Հակոբի Կարապետյանի նկատմամբ 11.09.2018 թվականին կազմված հ. 028666 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Վարդան Հակոբի Կարապետյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Վարդան Հակոբի Կարապետյանին՝ Երևանի քաղաքապետարանում կայանալիք նիստին ծանուցելու համար: Արդյունքում՝ քաղաքացի Վարդան Հակոբի Կարապետյանի լիազոր ներկայացուցիչ Հակոբ Վարդանի Կարապետյանին հանձնվել է Երևանի քաղաքապետարանում 31.10.2018 թվականին կայանալիք նիստին մասնակցելու վերաբերյալ հ. 001332 ծանուցումը, հետևաբար վերացվել է վերը նշված վարչական վարույթի կասեցման հիմքերը:

Քաղաքացի Հակոբ Վարդանի Կարապետյանը (նույնականացման քարտ 005658679 տրված 11.10.2017թ. 008-ի կողմից) 31.10.2018 թվականին ներկայացել է Երևանի քաղաքապետարան՝ համապատասխան նշում է կատարել գործի նյութերում:

Քաղաքացի Վարդան Հակոբի Կարապետյանի (անձնագիր AM 0352011 տրված 27.06.2011 թվականին 008-ի կողմից) լիազոր ներկայացուցիչ Հակոբ Վարդանի Կարապետյանը բացատրություն տվեց այն մասին, որ չեն ընդունում իրավախախտումը: Շինությունը քանդված չէ: Տարածքում ունեն ես երկու շինություն՝ հավաքուն և պարզ չէ, որ մեկի մասին է խոսքը: Իրականացված վարչարարությունը պատշաճ չի կատարվել: Ինքնանպատակ է համարում շինության քանդելը: Նախկինում դիմել է քաղաքապետարան սեփականացնելու համար: Հայրը 2-րդ կարգի հաշմանդամ է:

Գործի բնության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 11.09.2018 թվականի հ.19/19990, 31.08.2018 թվականի հ. 19/Մ-134, 25.09.2018 թվականի հ. 19/Կ-3080, 02.10.2018 թվականի հ. 19/66294 գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության տարածքային երկրորդ բաժնի պետի և աշխատակցի կազմած 11.09.2018 թվականի արձանագրությունը, Երևանի քաղաքապետարանի աշխատակազմի հասարակական կարգի պահպանության ծառայության պետ ժամանակավոր պաշտոնակատարի 22.10.2018 թվականի հ. 51/44-66294 հ գրությունը, ԱԱԾ տնօրենին հասցեագրված դիմումը, 15.09.2018 թվականի հ.Կ-3080, 08.10.2018 թվականի հ.18/72836 դիմումները, տարածքի հատակագիծը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց, որ քաղաքացի Վարդան Հակոբի Կարապետյանի կողմից Կուրդինյան փողոցի հ.12/4 հասցեին կից առանց հողօգտագործման իրավունքի պետական գրանցման, օգտագործվում է համայնքային սեփականություն հանդիսացող հողամասը /որում առկա է քարե շինություն/: Քաղաքացի Վարդան Հակոբի Կարապետյանին առաջարկվել է 5-օրյա ժամկետում ազատել տարածքն ապօրինի տիրապետումից: Առաջարկվող ժամկետում քաղաքացի Վարդան Հակոբի Կարապետյանի կողմից այդ ուղղությամբ որևէ քայլ չի ձեռնարկվել: Քաղաքացի Վարդան Հակոբի Կարապետյանի թույլ է տվել Օրենսգրքի 48-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անգոյշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 48-րդ հոդվածի 1-ին մասի համաձայն՝ պետական և (կամ) համայնքային սեփականություն հանդիսացող հողամասերն ինքնակամ զավթելը և դրա հետևանքները չվերացնելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 48-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)

ՈՐՈՇԵՑԻ

1. Քաղաքացի Վարդան Հակոբի Կարապետյանի նկատմամբ 17.10.2018 թվականի հ. Վ-38/14 որոշմամբ կասեցվեց վարչական վարույթը վերսկսել:

2. Քաղաքացի Վարդան Հակոբի Կարապետյանին Օրենսգրքի 48-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

4. Սույն որոշումը կարող է բողոքարկվել Հայաստանի Հանրապետության օրենսդրությամբ սահմանված կարգով:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՆԴՐԱՆԻԿ ՄԱՐՏԻՐՈՍՅԱՆ